

晚

晴

移

詩

匯

晚晴簃詩匯卷一百四十目錄

湯貽汾

十八首

李宗瀛

二十三首

胡式鈺

八首

楊季鸞

十四首

岑徵

十七首

毛國翰

二十一首

陳起書

十首

尙鎔

七首

張鴻基

十一首

蔣坦

五首

許廣皞

十首

蔡兆華

五首

晚晴移詩匯卷一百四十

徐世昌

湯貽汾字若儀號雨生武進人襲雲騎尉世職歷官樂

清協副將殉難諡貞愍有琴隱園集

詩話貞愍果世忠蓋居官有政績風流文采傾動一時畫爲嘉道後大家與戴文節同稱絕藝同完大節齊名畫苑上繼四王禪吳諸家矣詩亦卓然作者歌行尤勝權奇排冪而有沈毅之氣流露行間此言爲心聲也國朝畫家工詩者南田最爲超絕貞愍之後健殆堪追配

初至三江

吏隱堪憑此處論詩情已覺似潮奔
花源竹漱開孤戍漁舍官廬共一村
草自簾前青到海柳從橋畔綠通門
天教祇狎閒鷗鷺腰際須無束帶痕

獨酌江月亭對圖山

日坐高亭對兩峯幾年邱壑在心胸不知絕頂何年寺說
有前朝幾樹松滿地飛雲將落葉過江疏雨帶清鐘年來
北海無佳客賸與青山笑酒龍

維揚訪舊

片帆重到綠楊城落落晨星感舊盟厄閨黃楊貧宦境回
甘諫果故人情鬢絲禪榻消春夢花幔茶檣聽玉笙倒載
青驄誰更識紅樓猶記酒狂名

鄭翁歌

翁名安世高安人官興甯巡檢十八年孫曾
數十人元孫二人年不過七十六猶老而健

故不作挂冠想也長吏既以入告
予復作歌贈之且爲之徵詩焉

康樂城頭夜飛雪雪花變作仙翁髮仙翁一笑走仙京眾
仙擁入仙官列仙官行年七十六仙官官乃在蠻服青童
侍史盡蠻人願視顰眉厭凡濁開堂揮散童與史入室呼

齊孫與子爾曹爲我孕雲祢執麈抱琴吾可使大兒聞言
向婦謀小兒聞言對妾愁阿孫近前爲翁語翁果索此無
難酬一年一孫生一子兩年眾孫生不休十年曾孫競趨
走廿年阿孫紛白頭阿孫頭白兒死半翁反還童色精悍
孫曾簇若市朝趨以首領之難識面應門掃徑紛有餘一
日一更勞弗徧前年曾孫又生子一未脫襁又一見阿翁
大笑喜出汗顧後失前心意亂曾元兩手抱不盡分置膝
頭先後換或來捋髭白鑷斷或來索哺衣牽綻或來呵殿
導升輿或來塗抹橫繡案呶呶啞啞滿室春中婦少婦喧
難分中年但期子生子今日竟見孫攜孫誰知阿翁喜亦
傷終朝苦爲含飴忙一餐須得五斗粟幾使飼鶴無餘糧
一官偃僂十八載至今尋思轉生悔不悔官卑與宦貧悔

見兒孫爭濟濟翁乎此悔絕無倫稀世盛瑞縣公身魏徵
五世笏僅在啟期三樂年誰臻繫我先皇曠代福餘慶

尙及今臣民吾宗此福已僅見曾不若翁尤衍蕃

族祖諱大賓以

博州知府引疾歸親見五世得旌

況翁更在未挂冠罕事互古無流傳生

男更當無影異還童定覺雞窠寬溯我交翁及三歲中間
數別逾寒暄昨來城中一訪我見面精采輝朝嗽擊窠草
書爲我作釵劃薤倒無崩顛一時同官競乞字具脯作醢
爲開尊尊前試問別來事第一曾元增幾人翁笑嚇嚇屈
指數屈盡十指又復伸伸長屈短費思索道我衰耄記不
真語餘起立再謝走手不曳杖似鹿奔城中故人徧叩門
一一問訊情逾敦遮攀願聞導養術翁笑固問曰無聞但
云愛民愛物如愛己天與壽考能縣縣又云愛民愛物似

愛子天與孫子宜振振

潮州鳳凰臺

古榕陰裏屐痕微百折危闌入翠微
澤國春深煙雨合荒臺草滿杜鵑飛
孤舟萬里誰輕到二水三山我欲歸
似聽秦淮歌管動湘橋燈火映江磯

擬歸白門

納納乾坤落落人幾時能得白鷗馴
一船秋冷琴書鶴萬里身歸老病貧
清夢已從天姥別凍烏休望紇干春
汝南耆舊知誰在車服無慙故里鄰

二仲遙憐散若萍

謂小狂蕉衫

還家淒絕借都亭妻孥總歷羊

腸險花月甯教犀首醒春水鱗魚三月白
秋風天闕六朝青平生游侶焦琴在塵鞅
勞勞且暫停

琴隱園漫興

閒門蕭寂許羅禽幽徑惟憑蛺蝶尋四海交游三絕藝廿
年貧賤四知金奚童喚榻晴開卷稚女鐙窗夜課琴何暇
更將陶鑊運正多花事上春心

廣靈北山

北山好叢薄蔽路何蕭慘梢雲適天籟積翠延幽禽山居
人事閒閉戶寒森森亦攜白木鏡陟巘劇苓蓼苦無翁子
斤槎藥橫相侵豈知此山腹有寶紛埋沈磊落璞如礬其
社稱黑金或疑媧皇餘兼補地軸深又疑司寒主所藏恆
固陰地近元都元人似黔雷黔孱兒皆五丁壑谷窮千尋
作下駭行路碎訇聞壯音詎如西涼夷百條同費琛取餘
川之徧生滅無古今常嗤焦孝然濟人徒苦心更憐朱隱

土繭足疲高岑茲巖有爛柯無客珍焦琴只防釜甌虛不見連旬霾空山愁煮木惆悵此喬林

十七日自東雙寨冒雨至陽高縣晤向大都尉卽北

抵長城宿守口堡

陽高渴鹵地曉雨斷行路雙寨沙鹵尤甚居人賣鹵爲業一時十騎共還

滯馬蹶人驚不相顧野老相憐呼左左出坎欣如釋沈痼

南沙北沙屹相向虎耳虎頭聊識狀南沙北沙虎耳虎頭皆山名席帽

翩翻瀉長溜山色誰能舉頭望高城何岵嶢當天吹角迴

商飈時平歲豐牛馬賤靜與鴉鵲爭場苗前朝九鎮三節

府陽和最當敵門戶牙兵部騎三千人只聽轅門槌大鼓

明宣大總督初駐朔州嘉靖甲辰移陽和隸督標左右兩營兵三千築場六百步種柳千萬

株教場明總督王懷棘所闢縱橫六百步規制甚雄諺云陽和教場蔚州城牆王家屏有碑記負簾抱

弩亦雄盛長城傾倒誰人扶向侯老戎馬醉卧白登古臺
下安危故是九牛毛昔日戰場今廣廈與君同是羽林兒
都尉亦世襲相逢血淚難禁垂少年各努力吾輩豈是搢
拖沙喇哈番牀龜別君去上單于臺明朝會跨龍媒來
單于臺在豐鎮西北予將至豐鎮馬鎮市

十八日自守口歷宏賜鎮邊鎮川三堡宿古廟作

長城無盡處我行無已時十里或五里埃火明參差窟室
似螭螭往來只狐狸行經幾城壘寂無犬與雞但聞角聲
悲又見風吹旗少年慕遠游半老投邊陲時平賤戎馬詆
挫憐微卑豈知邊塞士如此其寒飢竊祿三十年回首慚
輕肥

古廟讀殘碑名字干熊虎五堡舊藩籬數世爭門戶

鎮邊鎮川

宏陽鎮魯鎮河爲五堡明嘉靖間築巡撫蔡天祐日宏陽
五堡爲雲中腹背之地北逼沙漠南翼鎮城東互陽和西
連左衛三面開耕一面控禦豈無豪傑人俱作長城士早知今日閒可
惜從前苦北斗在我南我行向何許夜深倚檐立嗚咽聞
鬼語蕭寥不成寐念此感羈旅羈旅猶可悲生死況難去
何地無兵戈偏此傷千古

豐鎮觀馬市歌

鬪雞臺北盤羊西臺在得勝口外望奚山眼中青海與月
支騅駟駟駟駟駟沙平草輦十萬蹏穹廬月落光熹微
點點草頭同斂棋碧眼赤髯環不離黃皮靴闊氈裘肥鞍
韉精鐵元熊皮翻身上馬作馬嘶一人馬前作奔敵萬馬
飛逐雲煙移一人殿後長竿提口中馬語無人知天明霜
露猶未晞塵埃已塞谷與蹊前羣上橋後羣繼之上市謂萬

礮飛擊蹏聲齊橋姚但用谷量馬一羣一谷紛排擠凡馬所

止繚垣一方謂之圖圖讀如闕戀古無此字一舍必

有數處以馬非一賈所以別之其舍卽所謂橋也

三跳

八馭雜牝牡九良五駑兼黃驪健兒入羣馬驚突繩竿掣

首施鞚羈左騰右逸額爾敏

蒙古謂未施鞍勒者謂額爾敏

一墮不愁成

肉糜紛紛駟僧牽人衣手指白黑呼與騎默者鳳臆鳴麟

髻步者發電奔踰輝千金百緡值不一一顧再顧十倍奇

安能夠距得其實以手作口譏可疑氏郎割券樂奇羨連

尾不足書成嘻世無薛公與非子筋肉不識由人欺

法相馬望

之大就之小筋馬也望之小就之大肉馬也

烏孫突厥有誰致致亦不過駑與

疲有唐八坊七十萬張公能事惟蕃滋繩鉤直曲豈能識

但取立仗何愁稀繚雲歎玉困轅下老烏啄瘡血淋漓鞭

鑿刻烙廝養虐速死不得徒歔歔我雖相馬勝董子不明

此中誰駛驄荒山嵯嶺愁雞栖只求款段尋幽宜垂鞭蹕
鞚穿花隄幸免折髀卽庶幾自朝至昃所見非十駕九蹶
無高低殷勤翦刷是何意帝閑方此徵雄姿神奴卻笑王
湛癡癡神奴唐馬牙人見集異記我癡已矣將安之空將天馬歌西北
不誦田家秧馬詩

答友人論畫

老雨胸中畫一幅南海以南北嶽北平生嗜畫故耽游鬚
鬢將無筆頭黑三晉雲山落吾手盤礴惟酣王黑酒西園
死後竟無人山右盡無畫家故人宋芝山但工鑒賞耳耳鑒徒多寒具友友中
馬秋甫藥盛山最稱神並有屠琴鳩朱野華吉孟麗堂陳綠晴受笙十年
一別半生死硯前不見西山春皆都門故人揚州張鏐老奚鐵生
畢蕉麓替雲間復園徐氏萬湘曲李芸甫契張墨池黃香石呂子羽謝

澗浦琴嶺南豪場戴九金山葉鐵遊客最更從方外得三

人釋序初澹菴吏隱中間亦逢四張桂巖高涓生其餘畫

友尙紛紛屈指宸中難悉記羣公大半詩酒星不斷青山

屐底青手塗腳蹴盡生氣不比俗工徒繪形形神之間判

今古慧悟從心不能語天機急電失難追王宰空勞李徒

苦世傳吳道子李思訓皆畫大同君雖讀書少游歷萬卷

安能從筆出到眼雲煙且靜看師人不若能師物金奩玉

軸悉塵腐各有靈臺一方血文章如面不須同同便非吾

萬事一君今學畫先學癡癡是專心別無說虎頭子久工

癡人何事不癡能得絕君癡但取娛情休戰材齷齪金帶

羞李晞古夏禹玉皆不朽休憑數張紙男兒自可致千秋

文丞相松風鑪歌鑪之製銅三片似瓦上廣下狹別

寸析之便于行篋正面古篆松風二字左旁文山
製三小篆予以錢六百得之并門市中勸雨生寶
三小隸于右旁風口上考公故物如玉帶生蟬腹
硯景炎琴之類俱見前人題詠獨此鑑無間因爲
歌作

我生金石耽成癖況此忠貞手遺澤妙非九層非七寶三
片昆銅製奇特合如敦彝散瓴璧小承鐺杓大釜鬲雙環
日月靜旋轉三角蓬壺聳男則松風古篆題文山勁筆非
同鄭苗刻苗五代時打錫人嘗打并州市兒燕馬湮到眼
驚看古色碧嗜古人希問價廉典琴適得八省陌歸來棐
几感徘徊出示騷人欣拂拭可憐天水金甌失餘醖無人
延火德死灰一息賴公存熱血忠肝千載赤平生故物贖
琴硯五百年來人愛惜此雖流落尙依然不共銅駝沒荆
棘昔公作此儻有意此物從來節不易象取旣濟志防患

剛德終期鬼方克豈知婦弗竟喪亡厥象凶占離日昃錚錚肯共焦頭額義之所在湯火卽零丁海水酌難堪板橋樵食乞不得劍斲矛炊幾生死齧雪吞氈終鐵石區區此物同公身不壞流傳至今赫流傳萬古人人識莫更摩挲三歎息生難赤手和梅羹死愈黃冠煉丹液相逢且用憂煩滌活火清泉手親炙松枝槐葉拾添薪鶉鴒胡桃不堪憶清波雜誌南渡後有司降樣颼颼尙作清原風閩中何琴上置御鑪炭胡桃紋鶉鴒色蕭蕭萬里封疆不寂寥獨坐瑤琴遺世慮君恩猶恐壯懷消後題時景炎元年蒙恩遣問召入夜宿清習習從生玉川液念爾從公經幾年幸離原寺感懷之作習習從生玉川液念爾從公經幾年幸離土室猶燕北西臺如意橋亭硯各有聲名爾胡默爲爾悲歌淚似泉歸來好共江南客

鐘寺紀緣圖

鐘樓寺是陵古刹也本名崇覺以鐘樓峻于他寺故又有此名云己亥夏予自

白門歸里建忠孝祠暨先將軍旌孝坊重過其地
 回憶童時遊迹已越四十五年而四顧茫然如未
 嘗至者不知其廢而復創也王僧延予丈室問訊
 知久客始歸乃告以某年月日某之布施費以萬
 計惟大鐘鑄一再而不鳴樓且扁廢無如何也因
 請啟樓觀之予倦不能登仰視規製甚偉竊念鐘
 神物也古且有杵不叩自鳴者矣視焉有叩而不
 邪使僧叩之故予愕然命從者日若代吾叩必鳴
 叩之如故予疑神定志日叩則大聲噌吰必鳴從
 執屨喜躍變色聞者畢至疑有神之術予不屋皆震
 諸僧喜躍變色聞者畢至疑有神之術予不屋皆震
 何以故也予時寓居廣濟侯廟之文光閣日有因
 此樓鐘聲過予者必以問予是秋還自佛家二月
 緣之說是亦所謂緣而已矣是秋還自佛家二月
 茂才聞而作歌予戲和之惠子秋韶亦繼作二子
 謂宜紀以圖俾後世知粥翁佚事乃有鐘寺紀緣
 圖之

不鳴則已鳴驚人鐘樓寺鐘必有神少小離鄉歸白髮此
 鐘不是當年物杜夔柴玉姓氏新受二千斛重萬鈞蛟龍
 夜愁山谷震力敵鯨魚不能奮閭黎抱鐘飢亂號撞破頭

顧人莫問我時到寺日正中一樓扃固塵埃封蒲牢則瘖
佛不聾勸僧竭力敲頑銅意誠從古感金石百萬金錢忍
空擲不然飛去洪濤中未必歸來風雨夕更數百手如撞
廷雷霆忽發銅山崩萬人堵集咸疑驚適從何來此老僧
一日喧傳徧城郭疑我前身大乘僧宋紹興初興國縣大
寺所得叩之無聲大乘僧索孫郎作歌詫奇事咄咄千言
神鬼悸世間萬事皆偶然其中或亦關因緣賤子無聊博
游戲豈有回天神術異佛非無力假手我知我胸多不平
氣升沈顯晦各有時不遇其人姑待之穆然語默兩不苟
納納乾坤此我師吁嗟乎大夢紛紛醒誰早庸人轉厭鐘
聲擾鐘既鳴寺僧乃日夕鳴
之近里病家多咎鐘平生欲鳴君豈知一卧滄江
十年老

題畫

頭上松濤足底泉松間草閣住詩仙不愁寂寞無儔侶有
箇閒鷗略約邊

南北東西四面風行人勞逸自然公尙嫌流水無情甚一
例滔滔只赴東

李宗瀛字小韋臨川人有小韋廬詩存

詩話小韋殫心著述無體不工五七古尤藻麗瑰瑋
橫絕一時氣骨聲彩有雲解掣鰲霜空振筆之概自
訂舊稿亦弗取穉穉又與陽生論詩法云古人紆餘由
卓犖餘輩風流涉妖冶或寒澀土飯塵羹或樸野筆
恣搗球煖蘭苔未許翦綵假曹劉庾鮑離以詩談禪
可鳴球煖蘭苔未許翦綵假曹劉庾鮑離以詩談禪
聖處死不捨皆自道心得之言晚遭亂離以詩談禪
自號心牧子每託於偈頌之詞以寫其
抑鬱無聊之思所謂正變準時者也

秋夜同潤堂知白露坐平臺有懷筠塘先生邵陵

平臺高敞壓迴流
斲簾胡牀坐上頭
涼笛一聲天在水
飛鴉數點月橫秋
莫辭玉斝傾三雅
更對金波詠四愁
無那美人湘浦隔
茱萸江路渺夷猶

秋日漫興

蕭瑟眞同庾信哀
平蕪莽蒼倦登臺
天涯歲月黃雞唱
徼外風霜白雁來
南國尙勞橫海將
中朝誰是濟川才
罪言欲吐還緘口
日飲亡何覆一杯

讀載甫遺詩有感

近水煙茨壓架藤
夢中元伯見來曾
記同詩卷聯樊杜
未有文章序宛陵
千首當年輕萬戶
一編殘夜對孤鐙
塵棲弱草恩恩甚
便到名山骨已冰

送鄒石生之廣州

長鋏切雲冠秋風白袷寒故山辭玉女炎海狎珠宮毒霧
飛鳶墮湍流度馬難諸侯方好士行矣勉加餐

試說天南郡迢迢北戶開昌華非故苑越秀有高臺草木
嵒含狀江山趙尉才龍巖兼虎嶂鎖鑰亦雄哉

五嶺關山險三城郡邑新峽猶傳帝子庭說降仙人嘉穀
銜何日菖蒲採及春征蠻如續記先爲訪遺民

海氣都成市嵐光半上樓星辰分碧嶼風雨合羅浮估舶
交三島人煙渺十洲靈槎如可泛長嘯動潛蚪

辟瘴無冬夏通潮入堰瀦荒田惟種蛤小市競租魚番賧
珊瑚賤蠻寶翡翠疎最憐珠浦夜月暈鬪方諸

黃木灣邊路風光處處宜紅泉流古澗翠羽集南枝花滿

劉王臨榕陰陸賈祠到時驂啞虎游覽有新詩

玉鏡當鑪好珠江打槳過隔窗離噴曲聯袂蹋搖歌帶結
鴛鴦鳥杯鏤鸚鵡螺從來南海俗煙月作場多

歌舞岡非昔祥興事亦闌崖門傳駐蹕輦道憶呼鑾一代
降王去千秋正氣完撫時思往蹟感激發遙歎

千古虞翻宅如今作梵寮林存訶子樹鐘應海門潮弔客
青蠅散歸魂白鶴遙赤烏當日事回首颯風飈

湖海鬚眉客年來白髮新依人成老大將母慰清貧退鷁
飛難進神龍性亦馴離憂何以緩莫惜寄書頻

惜別曲

織烏西飛月如水樓閣參差雁聲裏湘簾翠地悄無言中
有離人三歎起昭華玉瑄土花紫吹出多情河滿子一聲
淚落紅瓊瑰翠羽心酸抱香死菖蒲花謝菰葉爛河鼓暉

暉隔銀漢夢魂一縷陽關西夜夜天風吹欲斷

少鬻過訪留宿齋中談藝甚樂翌日以詩奉柬兼寄

燕甫明江

憶昔鐙火捫蝨巷圍鱸參語聲詰喃野夫對客踏壁卧黃
香王粲頽然三榻來雨散弗能聚香也橐筆天之南王郎
剝啄復過我今宵彌勒堪同龕辯如爽也雕龍談此中有
味醲醑醑走丸下坂車炙轂驅叱楊秉訶聃曇卮言餘事
及韻語如箝紙尾吏飽諳有時獲雋忽狂叫邃古墜緒窮
幽探絕潢斷港豈到海津筏具在誰能參王郎年少氣蓋
世千秋思以孤肩擔挾輦而走拔幟起騷壇虎賁何眈眈
是時遠寺華鯨鮓瓶笙細響炊銀坵危鐙欲殺一炷綠吟
臺觸壁僮鼻酣十盪十決雨蕤鐵再接再厲雙劍鐔吾儕

抵死不作繭柔絲自縛同春蠶又如秋蟲食蓼葉荼苦翻
謂薺輪甘折揚皇芩嗑然笑路鬼歔歔妻子慙吁嗟黃香
遠莫致安得揮塵相嘲哈桂林諸峯碧玉簪仙乎與子驂
鸞驂

趙忠毅公鐵如意歌

一抹烏雲淨如練中有剛腸經百鍊逆璫鑄錯聚六州愧
此錚錚鐵一片維公生值桓靈時大柄乃爲權奄持世間
萬事不如意但鑄譚柄供提攜鐵花鏽澀銀絲細色正芒
寒廿餘字廉而不剌鉤無饑以舞以歌君子器當頭委鬼
方鴟張五彪五虎紛陸梁但令立仗作瘖馬肯使獨角伸
神羊同文獄急句黨起西廠東林水火矣拯人假子紛滿
庭太息見泉轉無子四凶未去元凶行荷戈遠戍代州城

中批空俞四害疏外論競重三君名飛狐塞西雁門北曾
伴孤忠壯行色指揮能令天地迴拊擊何當狐鼠踏嗚呼
轉瞬冰山折三尺精鏐尙無缺人間此物凡幾逢年款各
異銘辭同好偕東方未明硯太白睽睽懸天中

與澹仙論詩卽題其集後

我法貴簡要萬變中有我單言扼其吭拊背無不可春華
謝嫫媧秋實結姬媧匪曰吾能之有志竊頗頗子詩咄相
逼力猛心則果瘦硬藏敷腴排纂由帖妥妍覺嬌旦媧勇
失資育慄波濤蕩蕩涵垠堦外紺問餘子走且僵旁觀測
亦叵吾嘗摩厲須強項弗爲下神龍抱變化跋鱉追魃魃
縱矜扛鼎雄終掇絕續禍朔風起廣莫塵沙揚掘堦執手
臨高臺懷古涕雙墮乾坤出溟滓星宿困黻黻高偃帝天

聞近狎義女唾慷慨爲歌詩豪情鬱無那善喻取庚桑藿
蠋與鵠卵鞭心策新進遜志振昔情杜韓有涯岸一試航
海柁

商爵歌次荏林中丞韻

晉安先生雅好古吉金樂石歸網羅余君入肆得銅爵持
獻鈴閣供摩挲先生一見定商物精識不共礪礪磨政餘
詰訂吟且繪奚翅獲鼎汾之阿上駢雙柱下三趾饗耳豕
腹形無煩腰環素帶儼圍玉斑作翠點如浮荷餐中三字
子孫父銘辭質樸迥異他景毫遺制務光篆差勝屬器訛
承訛我維爵以戒沈湎如卣戒礪名立戈又維酒以介眉
壽如鼎祝壽稱阜禾先民製器豈徒爾于以饗射興干戈
旁稽款識釋薛氏可補博古圖宣和能銘古者大夫事一

時紙貴七字哦想見庾閣備三代更較積古齋中多門伎
白蓋應好在殷周一室欣如何新詩漫擬蘇答穆佳話聊
同歐得坡

送秦雪舫駕部還金陵

長風引孤雲飄墮天南隅天南有野鶴煙霄與之俱雲兮
返故山野鶴長鳴孤歸雲語別鶴離合安可圖夫子始安
來鑿枘多鋸鉏保鄉賣章甫所齎良已迂我適見而歎落
落洵吾徒以茲相比附如彼蛩與驢君才真健者登壇拔
螯弧手提風雅軸大力負以趨方期驂之靳詎意歌驪駒
自爲靜江客三見鼠化鴛母馭桑下戀矧別并州歟青門
祖帳接清酒傾百壺何須詛石尤舶趠生銅烏建陵望秣
陵千里猶比閭終當會雲鶴追逐無時無

喜香甫至

下罽上霧昏晝錯春泥滑滑斷芒屨無雙江夏打門來一
笑襍徙雨淋鶴扶攜鐙前認鬢影蒜髮驚看點霜薄探懷
貺我珍珠船淵穎歌行儘奇格五年代舍酷見病相逢那
怪顏色惡明江西去灘瀨嶮秀嶺南來瘴煙作庠篷更溯
古蒼梧火山冰井貯行橐醉中失足入酢甕程邈幾悲履
龜坼負舟昔聞眎蜺蜒破匊今猶凜蛟鰐君家父子捍海
塘白日騎鯨上寥廓王尊立水竟冥死化身精衛血流噉
此時儻逐申屠徐一家兩地三冤魄陽侯呵護甯偶然干
鈞賴爾一絰託倚閭有母念陟屺楚亂今爲越鳧鷖白雲
親舍隔迢迢安邑豬肝得何樂伊余寂寂可笑人刻楮真
慚棘端削朝披挑耳南塘圖夕餌扶衰西蜀藥牛醫馬磨

共還往西水東魚歎離索今宵執手疑夢寐深杯婪尾莫
嫌數檐前幾點社公雨燭花一粒青豆爆漫愁無耳難陀
王社酒仍邀再三酌

吳荷屋中丞

榮光

招同人寓齋小集賦呈

別館招尋醉綺筵杯傾三雅酒如泉衣冠南海推耆宿風
雨東堂感昔年集古定過歐氏錄坐來疑泛米家船鰕生
何幸窺清閤一款謨觴亦墨緣

宋徽宗畫鷹歌

軒然一點飛破空素壁黯澹吹鷹風無端五國城外景移
向艮岳神霄宮太清樓印鈐芝紅禿筆喜作凌霄容尤工
點漆古無比寒焰炯炯生雙瞳當年禽荒游畋樂味漱書
成繼肉攫房山白與海東青攫立韞前寫奇格縞素漠漠

長天開金眸玉爪非凡材悲臺蕭颯霜翮下秋昊肅殺寒
姿來嗚呼道君畫此意胡取圖像凌煙深寄汝輦鼓應思
將帥臣丹青且付雲霄羽火龍騎日雪滿天此際鷹乎奈
何許吾聞道君畫鸛鵠跼蹐似兆青衣辱何如貌作南飛
鴻冰天雪窖書能通鷹乎汝亦愁胡仄粉墨崢嶸且秋色
落日青城淚霑臆

徒步行爲易生大紳作用韓寒食日出游韻

疾風吹塵萬葉病山賊乘時闕嵒盛上游灌水下靈渠白
骨黃蒿莽相映楮驅鬼妾牽鬼馬按甲官軍坐不競母從
子走妻索夫愁聽徒步杜陵詠易生祭酒布衣爾空谷佳
人獨也正三年兩度走跋扈扉穿踵決此行更朝來望門
逕投止窮鳥依人眞共命東廂簪汜下懸榻夢怯短轅與

長柄追思痛定尙餘痛吾戴吾頭再生慶酉秋我泛容江
權中宵野宿戒子敬西峯夜氣高帆崑斗柄插江孤月負
迴車長慟阮公窮飲酒安用臧孫聖竹寒沙碧水邊村獨
樹人家纜痕併得生爲我北道主傾蓋論交掬情性卸裝
有地寄廬便打扉無吏索錢橫出門一步卽迷陽橫鞭長
揖淚雨迸何期此境今到生反乎覆者誰卜鏡故人疇昔
子多情地主於今我爲政殘年飽飯且同喫千金善保孱
軀勁土酥如練冬菹酸愧殺彭衙老孫令

胡式鈺字青坳上海人諸生有寸草堂詩鈔

詩話青坳少好吟詠長而益工嘗與湯賓愍游恆山
共勸詩於山巔貞愍謂其詩清真高曠一洗吳越纖
靡之習

泊燕子磯

夕日媚澄波風止鷗近楫遙汀乍有無斷岸暝煙接繫纜
侵石磯旅游意已愜繁星江面飄歷歷上眉睫厓際耿佛
鐙寺樓隱層疊琅然磬一聲四山下木葉

初秋夜雨

隱几酒初醒風涼吹戶輕疎鐙搖夜色空雨走秋聲客意
花愁損吟魂水與清遙聞響飛瀑蕭颯滿山城

秋夜感興

月暗寥空一雁過徘徊倚檻奈愁何天邊落木隨風早塞
上涼雲作雪多蕪館歌詩驚雀鼠高樓吹角動星河年來
鄉思無聊甚夜夜澄江夢釣蓑

晚晴野眺

乍晴客愁豁飽飯倚雙扉空碧沒孤鳥平沙延夕暉人煙

兼樹嶺山寺忽雲歸時愛新秋蝶隨風一上衣

徐州登舟至淮陰行黃河中五日

一解徐州纜揚帆五日風河聲轉天外龍氣入舟中隄樹
淮流近人家吳語通維揚明日路絲雨忽濛濛

鳳凰岡

高天初雨霽草亂鳳凰岡遠處人煙白前溪木葉黃斜陽
下鳬雁秋色入牛羊不厭鳴蜩聒游人向野塘

夏日卷山勺水處獨酌

閒居頗無喧溪清時在目葭莢日以好脩脩如翠竹炎天
飲亦佳薄酌抒幽獨微風生肘腋餘涼借喬木我醉還可
歌頽陽漸離屋

春夜

卻月升簷外林溪相映新魚蠻沙渚宿花魄石欄春隱几
諧詩便挑燈選夢頻誰能共幽領還欲問家人

楊季鸞字紫卿甯遠人監生有春星閣詩鈔

詩話紫卿年十二以春草詩得名入京師後有長安
車馬地花落不開門之句名公卿咸折節與交足迹
徧天下所至執詩壇牛耳與何子貞同庚生相友善
沒後子貞題其墓云兩人足迹輕天下千古詩懷在
永州其詩古體磊砢自熹於太白退之爲近近體多
清新婉約之作佳句如三月三日獨行云一天草色
懷公子三月桃花泥酒人登武昌城樓云平原草色
春風遠霸業銷沈夕照斜晴川閣題壁云南樓待月
興不淺北渚感秋人未還游蘭亭云白裕又逢三月
暮青山如夢六朝非游淨慈寺云一曲院好風搖竹細
遠廊疏磬隔花深郊外見杏花云一枝牆外非無意
三月江南正斷魂驛柳云客思幾年紫白下板橋三
月聽黃鸝循思溪尋柳侯故宅云依然流
水小橋在無數遠山殘照多皆可誦也

初夏過田家

茅簷烏雀喜麥熟及初夏村樹交濃陰田翁意閒暇舉頭

見客至歡笑起相迓翁言日無事茲乃灌園罷豆棚簇紫
花離離瓜滿架老夫亦何希對此足晨夜來牟幸有秋西
成卜禾稼官租得早輸鄰里免驚訝君從何處來願得就
蝸舍茗葉誠有餘春醪不勞借麤野蒙見原竟夕談桑柘
將游浙江魏默深舍人賦詩贈行次韻奉答

束髮已授書勵志非不早驚憂百無成未壯心已槁猶隨
棄繻生西逐長安道惜無蜀道篇驚喜傾賀老徒乘弱水
舟不見仙人島金光何時拾愁多詎能掃旋游吳越去子
兮中似擣千巖自此尋萬壑從今討相期阮與劉共入天
台好

上巳前一日新晴出游

連朝苦雨不放晴杜門兀坐心怏怏今晨一洗雨初霽春

禽得意相和鳴我躡芒屨興不淺浮雲掛眼百慮輕出門
三里復五里寒花夾道春風迎溪頭漠漠田幾稜新晴已
有人來耕白雲缺處儼圖畫山紅澗碧溼且明牧童驅犢
轉屋背人家隱約煙樹平巒迴徑繞耐尋玩偶從樹底聞
流鶯香螺畫榼亦何有恨不漁弟兼樵兄小橋導我出深
鳴滿耳試聽寒泉聲

書磨崖碑後用山谷詩韻

懸崖下俯滌洄溪行人繫艇尋殘碑喬松凍折已偃蓋老
柳風動仍垂絲欲循石橋叩梵宇試步沙岸詢漁兒瀟水
之北湘流西此間漫郎昔所棲小臣一頌照萬古不秉忠
義誰能爲鐫書石壁字如斗恨我不識顏太師雙懸日月
事可紀付與大筆淋漓揮當時齋冊尙有理何乃暮齒貽

憂危興慶宮前子職廢山谷諷刺來題詩宜陽一謫歎不
返別薛賸讀軒昂詞長欲山靈護文字母使瞬與煙雲隨
臨流躑躅不忍去懷古更爲前賢悲

悼松

村後古松千餘株一州列縣皆所無前岡夜聽仙犬吠茯
苓斗大不敢鋤奇哉不聞風雨至一旦蒼龍俱拔地村人
半爲飢與寒大斧長鑿遂無忌噫嘻飢寒誠可虞要在保
社能相扶嫺睦任恤古有訓秦越坐視奚爲乎吾宗聚族
從元始歷數百年乃有此今胡爲兮至於是自此栽培嗟
晚矣

次韻簡湯幼尊

澹虛居士晚好靜高懷雅尙人莫方小樓三面對秋水幽

菊數叢開夕陽經旬岸幘戶庭內侵曉看山鐘磬傍爲勸
二毛潘騎省還須作達日傾觴

瀟湘道中

紅葉下林柯瀟湘水正波天空橫雁小江遠得秋多蹤跡
輸鷗鷺心情負笠蓑徒聞老漁父杳杳扣舷歌

丹山寺

不負登臨興新晴曙色分山泉紅到地江樹碧於雲帆遠
當樓見鐘寒隔塢聞鄉關杳何處煙靄自氤氲

題綠波春草圖送朱濂甫並寄令弟溶菴

南浦江郎賦西堂謝客詩淥波愁送別春草夢相思細雨
一帆去嘯鶯三月時生憎樓上笛撩亂柳如絲

黃鶴樓

豈徒黃鶴乘雲去不見崔郎與謫仙
今古登臨同悵望後先憑弔一茫然
但聞江上數聲笛吹落梅花何處邊
我欲飛觴盡高興醉呼明月照晴川

寄魏默深

京華談笑隔年餘紅樹秋來葉又疏
北望燕臺空入夢南尋禹穴問何如
憂時賈誼休垂涕卧病虞卿且著書
衡嶽洞庭幽絕處待君同隱結茅居

賈太傅祠

一篇鵬鳥歎文章濯錦坊前弔夕陽
聞道絳侯高塚上於今秋草亦荒涼

謁虞廟

蒲版垂裳日琛球萬國同觀刑曾二女
啟瑞屬重瞳帝道

光先後天心鑒始終艱危扶孝友感化失頑凶弟妹憂歡
裏君臣授受中除姦自神武選俊必明聰鼓罷琴留座歌
成鳳在空披圖青鳥至納賚白狼通天地承堯統山河錫
禹功鸞飛仍載輦龍去竟遺弓莽莽蒼梧野蕭蕭斑竹叢
銅碑委荆棘玉琯失蒿蓬瞻拜情何極馨香典獨隆祠官
唐代重星使漢家崇畫棟凌崖碧飛甍壓樹紅桓桓天子
廟穆穆聖人宮彝鼎渾嚴樸松杉儼鬱蔥至今思草昧何
處弔鴻濛雷雨神如在星雲望不窮泉陵生長地千載被
流風

春陵侯墓

元朔頒茅土春陵此肇封作藩來帝室銜命別王宮建節
殊分竹爲珪異翦桐都谿羣水會冷道一航通父子侯相

繼河山運未終朱輪移冉冉玉匣掩恩恩詔徙南陽後祥
開兩漢中赤符仍歷數白水再英雄赫矣光彪炳佳哉氣
鬱蔥嗇夫原守衛華表漸蒿蓬石馬瞻何在銅駝悵已空
千年留壟墓憑弔起悲風

岑徵字清泰以字行號鐵泉南海人有蕙筓山人詩集

詩話鐵泉自言能見鬼物又嘗營生壙於白雲洞其
奇氣鬱勃不可遏抑詩初學二李而尤近昌谷後乃
益澹遠絕有神韻卒後
源德梁伯乞刊其遺藁

羅浮望海作

梅花村裏荒雞唱溪曲微聞人語響野客貪看海色澄攬
衣直躡芙蓉上芙蓉四百多奇峯芒鞋踏徧仙人蹤餘霞
半掩鐵橋樹飛瀑遠應黃龍鐘此時雨霽煙嵐闕露出東
南半天碧天邊銀海抱山流山前片片琉璃色波濤瀕洞

江爲開晶瑩萬里無纖埃但見微茫雪山白遠自琉球日
本一髮之中來風聲水聲倒卷石樓動萬壑千巖浩呼洶
馮夷龍女雜沓舞目眩心驚兩肩聳恍惚身寄蓬萊巔懸
崖拍手追飛僊下臨弱水一萬丈沙渚漠漠吹寒煙我聞
秦時有客徐福子樓船入海攜男女衰齡喫得神仙藥天
地至今猶不死散髮亦欲凌滄洲倒騎蜩蜚趨中流擺脫
浮世謝塵鞅海山一住三千秋噫何當海山一住三千秋

江閣曉起理琴

霜煙濛濛汀樹溼卷簾煙氣浮窗入煙中一桁插寒山玉
玦金環遠堪拾幽人睡起高閣閒皮冠敲側面纈寒挂壁
焦桐久未試臨風忽作高山彈操縵輕搖鳳凰柱冷雁冷
冷半天語瓦上朝凝櫺葉霜簷前夜過桐花雨一彈再彈

彈轉促聲落鷺湖動空綠湖邊草舍相當開門外鳬鷺晴
對浴此時萬樹開梅花嶺南春色滿人家舉頭四顧山影
寂長空萬里寒無譁闌干十幅臨春沼月落星稀聞野鳥
絲桐忘我我忘形一九日躍天門曉

寄題西樵馬山人幽居

春風鸞鶴自成羣灌木連村望不分花洞品泉蟲語細月
林沾酒麝香熏謝家池館多青草宏景樓臺半白雲何日
看山尋石戶一枝筇竹叩斜曛

游波斯庵贈展昉二僧

一路霜風響石藤日長金地少人登四山峭壁都扶座十
月平林已結冰施食餽分廚內栗持齋猿護佛前鐙勞勞
下界紅塵擾輪爾幽棲最上層

閣江樓

飛屨凌霄到上頭，端江形勝振衣收。
山橫峒石連窮髮，水入牂牁總合流。
歷歷帆檣通指顧，峨峨城郭鎖襟喉。
憑高莫縱思鄉目，衰柳寒蟬又一秋。

九日獨酌

瑟瑟寒雲旅雁哀，故人消息滯登臺。
罷攜謝傅游山屐，暫醉陶潛賞菊杯。
澤國濤聲掀枕起，中原風色擁關來。
客懷屢月蕭條甚，令節逢秋試一開。

重游翠巖響泉亭有懷曾曉山

鳥語鉤輈隔葉聞，孤亭選石坐斜曛。
捫蘿路僻人稀到，題壁苔深字不分。
花氣喚開三月雪，瀑聲涼散數峯雲。
山中猿鶴遙相待，悵悵年來總爲君。

春暮旅懷東張梅莊余勉之兼訂爲浮山之游

竹外寒雲近可呼
春殘天氣尙模糊
樽移水閣三人共
花老山城一笛孤
異地尺書遲雨雪
故園幽夢負江湖
謝公舊有看山約
可許相從躡屐無

珠江舟曉

喔喔雞聲到枕催
雪山遙自海門來
夾江樹色寒猶重
背郭風帆溼亂開
遠火漸收城外市
哀箏還咽水邊臺
推篷沙際閒翹首
早有賣花船掉迴

臨江九日

老逢佳節興先闌
牢落江干悵掩關
異地見花驚白髮
故人游屐自青山
天當南詔霜偏早
秋滿東籬客未還
兩度不歸吾亦得
料應無處可躋攀

吾粵疊遭水患

寄樵山昉上人

昔思巖下水言訪遠公家路暗微通樹山寒早落花塵心
溪磬寂雲影石幢斜何日團蕉畔從師問法華

和勉之種菜

不稼深知素食非他鄉還種菜成園咬根我輩原當肉抱
甕人誰解息機暮雨疎花沿屋展曉風黃蝶過牆飛南山
亦有荒畬在何日同君種豆歸

與介卿諸君泛舟小港過柵頭花埭晚經大通寺而
歸

十里松溪不覺賒扁舟乘漲掠隄斜秋風禾黍牛羊路暮
雨蒲蔕雁鷺家臨水有園皆種柳泊船無岸不偃花聞鐘
又渡鷺潭去回首空江半落霞

寄圓明長老

時居六榕禪院
卽淨慧寺也

踏徧闍黎擲短藤
涅槃回首路層層
寒山自禮千花塔
曹洞親傳五葉鐙
慧業有師真是佛
前生如我亦爲僧
何當對坐團蒲上
共證禪宗大小乘

賀城河東看梅花

十里春江路
晴明望不分
樹聲寒到水
花氣白成雲
翠羽衝人過
荒雞夾岸聞
晚來何處笛
吹落雪紛紛

懷河東舊游寄勉之

河東之地人家五里二水夾流
梅李桃李之屬以萬計遠近溪

山環抱雪
後如銀屏

水圍深鳴樹圍沙
簇簇炊煙枕岸斜
十里溪山皆是雪
一春筇屐半看花
琴聲隔竹煎茶院
旆影臨流賣酒家
惆悵舊游今已杳
夢迴霜月滿天涯

飛閣

飛閣亂松閒蒼茫獨倚闌雨晴花竹健春晚水雲寒歲月
拋霜劍風塵誤籀冠愁來鄉國路望斷更千盤

毛國翰字大宗號青垣長沙人諸生有麋園詩鈔

夏幹園曰青垣詩五古清越醇雅出入陶謝江鮑間
七古雄盪有奇氣仍約束矜貴不涉奔放近體步唐

賢無沾滯之
音佻繹之氣

詩話長沙毛氏世以經學稱青垣力學不遇腹饋於

詩年七十應東巖中丞裕泰之招薄游江漢爲節署

塾師道光丙午春以微疾卒中丞爲刊遺詩青垣作

詩苦心研鍊稟成履易其論近人詩絕句末一首云

十年蓼落坐湘泉自理朱絃和楚騷彈遍猗蘭干

古操春風誰奏鬱輪袍殊有東莞知己難逢之歎

山行

幽禽時復響苔磴少人行松徑含風雨秋山見性情雲根
香紫石林氣長黃精落葉飄無際清砧何處聲

齋夜獨吟

禪松南山麓種竹南山椒虛心蔭勁直相與成後凋君子
悲獨行冥心非所操嚶嚶園中鳥雙飛集桑條何況孤士
心得不思久要園穀不可息石泉不可消誰爲亮此志獨
夜成長謠

游古唐寺

孤峯標塔勢懸磴接禪扉去鳥衝寒葉歸雲擁落暉泉飛
深洞雨苔染定僧衣下界空迴首蒼蒼隱翠微

登文昌閣

沙黃霧碧擁樓臺孤客乘危倦眼開吳蜀地形江口斷乾
坤秋色雨邊來凱歌未報烏蠻捷野哭猶增畫角哀西去
風塵迷遠望請纓何日棄繻回

寄李寄亭丈

鐘阿躡屨如何點藤笈藏經憶沈郎平世豈無眞隱士深
山猶有舊書堂肯將著作隨時俗獨向風塵老醉鄉白髮
黃冠仍健在幾時相訪綠蘿莊

角里先生讀道經終年習靜舊巖扃天浮空翠水陂綠門
對寒光風嶂青蓬戶獨留求仲徑野人多識子雲亭筦山
蘿薜遙相憶春雨濛濛搖洞庭

歸草堂

羈人懷鄉土關塞千里違及茲見家門尙疑魂夢歸兒女
出門迎言笑牽我衣我行豈不久再及霜雪飛入室敘悲
歡盤飧慰我饑恐傷行客心有淚不敢揮極知艱虞意默
視瘠與肥皎皎明月光夜深鑑我幃昔出有完裾今還失

失所依淒然顧庭戶歲晏無春暉

慈山習先隱游釣安可忘門前採樵路今昔同雪霜腰斧想所歷蒼苔仍石牀西風吹蟠木惻怛中情傷孤生易爲感此心焉得將仰視日月馳天高恨茫茫閭門久寂寞墓地空荒涼骨肉況多乖生死各一方徘徊念故土淚溼塵沙黃平生崢嶸志垂老對家鄉

旅館

西風吹雁渡江關高閣梧桐露葉殷爲客獨看秋盡月還家多上夢中山南浮路接蒼梧外北望雲迷紫極閒獻賦十年猶未遇陸離長劍土花斑

歸舟

歸夢經行處扁舟浩渺間危檣過鳥疾秋水近人閒野樹

時藏寺晴雲不在山到家應後雁楓葉想成斑

再過衡山縣

衡山小郭對風汀客子扁舟復此經岳頂斷雲歸海徼天
邊殘照落郊坰蒼茫野色橫江暝蕭瑟秋聲隔樹聽垂老
欲尋王十八芙蓉何處采曾青

春日茶陵道中

雲陽山下雨初晴南上高原見石城山路無人花自發竹
林終日鷓鴣聲

野望

盜賊仍蠻塞山林自腐儒眼隨飛鳥倦心共斷雲孤寒盡
魚龍起春回草木蘇感時懷濟物無術卧江湖

寶華蘭若題壁

古寺翠微裏風鈴春殿閒輕陰疑照水薄霧欲藏山溪鳥
通禪意林花駐客顏忽驚塵世夢鐘磬響雲間

雨中望湘山有懷舊游

雲氣竟朝夕野色連高樹雨晦山更深蒼然春欲暮齋中
眺西嶺郭門向山路相望惟白煙不見前溪路憶我昔同
袍周旋愜情素中牟政多暇襄陽忝清願遂果雲山約冥
搜豁幽趣勢殊願易乖事往境成故滯跡東南久去帆西
北驚崇岡黯天陲逝水連雲注長謠對清尊離心不可度
何當風日佳相期展幽步

積雨過讀畫龕訪雲山丈不遇

漏天壓城雲不破朱門日午闔者卧獨來不見窮巷翁高
馬達官門外過堂上花鳥入煙霧米囊塵生不得簸蒼波

丈人起東壁黃獨多時空藥銚近聞開年無酒錢談詩說
劍常滿座平生愛畫更成癖客退拈毫當清課曼陀葉底
開離披天女風前倚姁媚不知徐黃誰伯仲欲屈紀良列
參佐世人但逐流俗口屏障得之若奇貨豈識通神靜者
心直轉乾坤入禪坐我有鵝溪舊白絹安得爲寫蒼石大
漫天東風吹岳麓綠浸瀟湘不可唾滿城紅紫照老眼出
門不畏春泥沅看花久厭逐少年料得羈懷已無奈往者
縱陽水一丈小麥大麥無可磨去年聞道渚田肥大江南
北已種播江船可歸買不得色難腥膻常忍餓榆莢如錢
不療貧旁人歎息吾獨賀古來窮途天所吝獨使驂駟歷
坎坷浮雲富貴安在哉貧士聲華長不挫江東歸夢四千
里且要春光相遮邏白頭行步尙強健尋春不惜矮馬蹶

他日到門看醉顏一笑高歌我能和

文衡山萬卷書樓圖爲張晴崖大令作

白藤織笈枵腹守饒眼無緣照蝌蚪垂涎胄子對書樓大
笑丹青空復有如聞琅簡出海霧不許人間借甌酒樓上
荒荒臨水天樓下嶙嶙長槐柳三百年來無此作入幃那
識衡山叟張公好古不知疲鬼蟲枯雲堆二酉帝遣炎官
攝祕籍手掣金鞭雷電走尺幅生綃完獨存西華浮空啟
戶牖祇覺虛無羅檢繩那知胸懷列淵藪蒼萃況歸循吏
傳湘間籍甚聲名久去歲夏旱湖南饑禾枯往往填隴畝
貧士有書賣不得萬卷何曾換升斗今年春耕種入地幸
集流亡鳩戶口看君昔日監門圖風迹還推鳳樓手卽今
墨綬照昭陵講學文翁俱不朽

鸚鵡洲

落帆登芳洲日暮層陰生江流何嗚咽悲風爲之鳴高才
涉未流胡乃違晦明龍蛇興時化道自尊其生絕俗固非
尙安危鑑至精孤鳳見非時不與鸞鶚爭君子道濟世死
豈鳴毛輕此時管幼安阜帽遼東行

吾與故人斬水陳子秋舫別幾三十年而陳子沒又
十餘年矣予至武昌江路匪遙未得一訪其故居
悵然有作

故人零落幾經秋鄂渚停舟憶舊游江水尙隨春恨滿爲
流殘淚到黃州

齋中夜坐有感

高齋坐久星河轉永夜江城玉漏催南極風聲傳鼓角滄

溟蜃氣入樓臺事關幹濟休論數時繫安危始見才橫海
鰲臙何日下腐儒搔首問河魁

除夕

孤生易成感所歷多艱虞況茲倦旅食荏苒歲復除冰雪
寒更粟江城清夜徂有生古所嗟譬若行遠途途遠日漸
短營營何所須江漢無回流日夜驚東趨寒雲翳叢薄蘭
蕙亦荒蕪但勵貞松操焉知有苑枯

陳起書字通甫號松心郴州人貢生候選訓導殉難有
撼山草堂遺藁

詩話松心少負遺略從兄吏部郎起詩學爲詩文辭
講經世學與桂東李克鉤希廉桂陽何慶元積之邵
陽魏源默深相友善道光十三年逆裔趙金龍作亂
條上禦搖策相得無事後粵匪起負作南言十三篇
又條畫守郴事宜皆如所料所言既不能用以團練
鄉人保衛閭里後死東鄉土匪之難是編松心自訂

僅百首前有何子貞紹基羅研生汝懷序研生謂松
心之詩取徑幽迥不甚涉唐宋諸家不爲率率酬應
亦不事修飾邊幅往往孤吟閒寄自寫懷抱魏默深
云集中精華全在五古律體感時之作亦媲美杜陵
詩雖不多而懷抱之奇性情
之篤亦可以得其大凡矣

湘潭別兄雲心

雙鳥辭故山來向衡陽飛天寒夜悲鳴及此當乖離離家
遠行役葉落辭其枝賴有平生親可以慰中懷胡爲見遐
棄獨尋向路歸君歸奉庭闈予獨泣路歧浮雲異鄉縣執
手乃在茲人生天地初游魚出深池氣化日以薄年命日
以衰冥冥無所終悠悠復何思

將歸作

久雨喜驟晴久客喜驟歸登舟已如家恍惚見庭幃遙指
來時路疑是又疑非千里始一程一夕千萬悲來時行苦

速歸日行苦遲天心與人意每每相參差距家路百里易
舟始能至來時此舟小重認別時淚猶恐載我出夜半心
驚悸道逢往來人鄉音喜漸似

日落眾鳥昏山寒百蟲閤歲時感物理田園遂初志浩浩
吾儕侶莫莫窮深邃撫琴寒澗西一音納萬吹雖無沈淪
趣冀得清靜意謳吟招隱詩慙愧古人意江湖足風波車
馬有顛墜

愁思

愁來不可抑步出天寥泬杖策莽攀追遑然五情熱欲拔
扶桑枝更種虞淵穴跛鼈有三足精衛有八翼幸成骨拄
山不成皆裂血援琴和悲歌嘯傲亦嗚咽舊廬雙飛燕棲
息愛門闌巢卵猶可懷江湖多雨雪

寄湯海秋禮部

孤燕池塘飛銜泥爲門戶生與鳩雀羣智勇限毛羽忽聞
天北雁南鳴過湘浦豈無千里風身微力難舉以此淒然
悲上下千萬古賢哲有知否契合多艱苦吾世有斯人天
地非莽鹵

雜詩

短筇不自立人立反扶筇心速行乃遲智多力不從茫茫
大塊間爲類萬不同鹿壽一千年蟋蟀不知冬松柏參青
雲黃楊厄閭中陽和既有私天心非至公我才豈無用安
心守固窮

岳陽樓

危樓下根無底水飛簷上攀白雲端欲沈不沈金鼇湧欲

去不去鐵鎖牽五嶺蠻煙復峒雨日夜滔滔無窮已以三
納七沅資湘會作金湖八百里岳樓跨城城跨湖湖水嚙
城浮草廬風震雷霆威電掣蛟龍轡若非神仙醉未醒勢
挾樓飛聳兩翅須臾復霽景鮮妍樓安似乘釣魚船水平
疑地盡雲散見天全濛濛元氣合莽莽乾坤連君山隱約
湘君立螺髻旋靑微帶偏太陽忽見中流沒波底閃閃湧
明月如聞古瑟鼓雲和一曲歌成天欲白湖中艇似鷗卻
望湖上樓是時湖波木葉下鐵笛龍吟雁叫秋我欲直上
衡山九面頂山中宰相芋未盡出山歸山事兩難山上老
僧應見晒九疑連綿深復深蕙蘭馥郁芷芳馨樓上倚欄
望不極湖水東流是寸心

何積之送予風溪不及題詩旅店以示

明時集言四卷一
歸人欲歸還惜別風霜滿眼馬蹏疾斷猿寒雁警秋空野
火疎星亂村夕我歸君送六十里瞻望弗及仍相失旅舍
無酒溪蕭瑟風動殘鐙半明滅耳邊有人話疇昔細聽方
知蟲唧唧南轅北轅兩歸轍人心非隔山水隔但使兩心
無阡陌別久欲知情更結一聚一散何足說君更來時看
題壁

由觀音寨移避大頭隴寄弟葵心長沙

連天烽火起埃塵荆棘叢中伏幾旬路隔干戈歸夢阻心
驚輦鼓徙居頻不應大塊難容我已入深山尙畏人自笑
老來攀絕壁化猿嶺徼石磷磷

思歸

隔江烽火照征衣驚定重驚心力微秋在異鄉容易老家

餘四壁更思歸湘流如帶連天遠蓬轉無根帶夢飛去住
思量都未可天涯何處得因依

尙銘字喬客一字宛甫南昌人諸生有持雅堂詩鈔

詩話喬客讀史有妙解尤精考據詩沈鬱蒼雄兼諸家之長同時郭儀霄羽可盛稱許之

湘潭舟中

湘水鬪風起競趨青草湖揚帆轉逆流衡面看模糊眾山
忽相傍簇簇如畫圖藤老樹蟠龍巖空泉吐珠鎖江鐵門
固刺天石筍粗好鳥若招人隔塢爭相呼邇來正平子恥
逐屠與沽當尋工部蹤入山古爲徒

湘煙不附雲淡蕩自高妙微風捲之去一抹貼斜照湘中
佳景多神貌此難肖靜逼氣如醉遠浮色似笑補竹生奇
光凝瑟成別調唐人過湘水多取作詩料升庵集成裴讀

之曾遠眺貂句苦難續且效張生釣一聲煙更深何處老
猿嘯

淡月漾江面猶如弔屈子湘水真無情不救騷人死善招
雖有玉魂魄豈能起此中浪如山險與洞庭比湘靈愛詞
客漂泊多到此吞不懼蛟龍香乃薰蘭芷試聽子規叫幽
恨孰能已

游如松菴

此地有清氣隨雲來竹房閒階落山翠破壁透江光僧雅
逢迎拙林深鳥雀狂自然塵不染何必禮空王

寄懷龔懶餘秀才

罡風不到羅浮巔古梅雨洗增芳妍身騎五羊弄明月羨
君曾作飛空仙君懷丹砂歸探玄我載清酒浮江船客路

相思不相見夢魂時繞南雲邊我游天平山上穿一綫天
天風吹壑瀉松影枕石仰酌飛來泉恨不同踏吳山煙去
歲游金焦俯窺萬古蛟龍淵鯨波不動海山紫餐霞欲拍
洪厓肩恨君不到京江前攜手順流東下尋成連相如倦
游返重結詩酒緣君雖戒痛飲文筆猶如椽賞奇使我春
風顛與君同抱濟物性無端墮劫五百年君尋赤松未能
遇我注青史知誰傳各有嚴慈缺甘旨那堪山水窮幽偏
黃鶴高樓空際懸吐納江漢澄秋鮮倚樓君旣空吹月中
笛又向信州何處眠泥汗久已甘蠅屈枳棲豈必憂鸞鞭
君看牛蹠涔安能生鮪鱸不如漸山頂飲淥神自全間雲
歸去來閉門共讀逍遙篇

普賢寺鐵象

南唐刺史邊菩薩象教西來意能達鑄成鐵象乘普賢兵
火城中鎮爭奪普賢偶現人天身鐵象何須甘萬斤四蹠
踞地厚地裂下有鼉戴愁掀翻香象人誇渡河美欲行不
行色歡喜神完應可卻熊羆力搏甯愁遇獅子當年精鐵
生深山豈知鑄象靈化頑消受香煙已千載胡不驅去排
仙班頻年劫火燒蕭寺身不能焚齒逾利游魂偶洗象牙
潭魑魅無聲老蛟避

過楞伽峽

楞伽峽口山嵌空斧鑿痕留神鬼工又如赤壁經猛火天
荒地老滄江中山形萬變相對出荆關欲畫難爲功橫看
側看各有態山靈面目真無窮兩道飛泉落天半谷吞巖
吐鳴雷風珠簾高挂不可捲隨風散作煙濛濛下有灘聲

競相應浪花飛雪寒光融磐石遏水逾駛篙眼萬竅穿
玲瓏或云仙人抱雲卧遺跡未許春漸鴻或云貞女取螺
化萬古不受塵埃蒙石不能言任題品彈壓百怪無詞雄
嶺南洵有奇絕處但恨徑險舟難通峽名榜仰義何取江
賦葉記皆夢夢我來峽中偶擊汰魚龍逃避玻璃宮

張鴻基字儀祖號研孫吳縣人諸生有傳硯堂詩集

詩話研孫才思敏捷有素題詠者酒邊鋸下磨墨伸
紙頃刻立應人皆傾倒侯官林昌彝射鷹樓詩話採
研孫詩頗多殊近於濫評亦惟許過當平心論之研
孫不失為才人之詩而出之過易未盡入細是其所
短

秦淮雜詩

女閭三百效齊風澹粉輕煙似夢中開國規模堪齒冷
斜陽一角妓樓紅

一區碧血葬忠良燕子高飛入建康多少良家紅袖女琵琶斜抱怨先皇

秦淮簫管過行雲一盞華燈照夜分殘局東林還未了秀才復社又論文

桃花扇底送侯生空費蛾眉淚滿巾一紙畫梅誇得堦鏡奩匕首是何人

途中用陶潤山懷玉師韻

曲罷鈞天夢亦清征車銜尾又南行頻經聚散心如醉小厯榮枯氣漸平荒塚白楊狐拜月亂山黃葉雁巡更敝裘自不禁宵冷莫怪霜風太薄情

有感

血洗舟山浪作堆羽書又報海南來英雄効死偏無所上

相籌邊別有才竟爾和戎曾地割是誰揖盜又門開從今
敢笑陳濤敗房琯猶曾戰一回

伏機陡發地雷鳴竟有潛師夜斫營挺戟行間來孝子拔
刀嶺上出殘兵白衣殺賊聞猶罕青簡論功忌尙生太息
魏公方柄政曲端雖勇竟何成

海風橫捲礮臺腥鼓角荒涼不可聽狂寇稱兵惟挾制平
章謀國是調停戎韜誰解鴛鴦陣相業難憑蟋蟀經不信
籌邊諸大老金人還守廟中銘

一春聞雨又聞風蠶麥鶯花已半空競見奇兵談紙上也
應枯瘠念溝中民窮豈但能爲盜俗阜由來易教忠記得
林霆嘗撫部焚香深夜祝蒼穹

卽事

吟肩醉倚玉人簫情話湖樓復此宵水自青青山自碧笙歌容易送南朝

河房宴後燈船散丁字簾前子夜歌除是一株楊柳色白門秋影更無多

蔣坦字平伯號藹卿錢塘人諸生有息影庵初存詩集

外詩微波集

詩話藹卿室關鎮秋笑工詞能畫嘗學書於魏滋伯吳黟山秀媚可人曾爲藹卿錄西湖百詠其友郭季虎爲題秋林著書圖云詩成不用苔箋寫笑索蘭閨手細鈔卽指此也藹卿貧乏會賦詩示秋笑云一寒至此憐張祿再擁無由惜謝朓爲製秋燈瑣憶皆幽猶可挂我何慚後秋笑死藹卿爲製秋燈瑣憶皆幽閨遺事庚申粵匪陷杭州出走慈谿尋還杭終以餓死可哀已

宿洞霄宮

餘杭西北多林巒芙蓉削掌青巘岼青山九鎖鎖不到至

今片石遺凡間當時人物久寂寞飛鼠銜花上池閣一壇
留得昇仙名白雲荒山葬秋鶴我生學道十二年筍屨厭
蹋齊州煙謁來尋仙坐谿上一盞手掬桃花泉回風颭颭
翠蛟舞千年芝菌迷仙所隔谿水碓無人春滿地松聲搗
秋雨

柳枝

莫向長橋問柳枝春風一夜綠絲絲此身已苦多牽絆肯
爲時人管別離

落花怨

寂寞園中樹飛花委綠苔春風易吹落何似不吹開

招寶山

山川險阻控明州此地曾煩聖主憂月黑千檣環粵嶠天

青一綫見琉球酸風巖穴猿呢樹夜氣金銀蜃作秋一自
中原戎馬後東南雲氣使人愁

黑祲茫茫海上生怒濤日夕撼孤城九天樓閣銷鎧影大
地星河落水聲自古江山難出將至今草木畏言兵不材
自問同檣櫟敢效諸公浪請纓

許廣隲字秋史甌甯人有平遠堂遺詩

詩話秋史幼喜吟詠中年詩境屢變未歿前自編其
詩題最後一卷曰巖扁次年游武夷墮仙掌峯下死
人以爲讖

西溪漁莊

日入棲鳥亂驚此星月光漁人先鳥歸棹歌入滄浪擊汰
弄虛影水木相青蒼鐘動梅花林夜壑橫煙霜蘆碕一鶴
起寥寥引清吭

題唐宮歌舞圖同方又韓克鈺弟德遠姪作

玉奴絃索花奴鼓花萼樓前日初午梨園子弟列成行黃
衣舞馬登牀舞海棠慙慙春夢驚新譜霓裳初按成三更
玉笛吹入破花影下動宮牆明樂極哀來足悲慟突騎漁
陽勢狂縱烽煙亦緊達神京臺省從容獻歌頌劍門萬里
秋蕭瑟夜雨霖鈴聽不得歸來南內草荒涼一曲涼州頭
盡白明光宮中嘸杜鵑金粟堆南狐兔眠由來聲色易傾
國歎息不獨開元年變亂幾令唐社屋金鑑遺篇付蟬腹
米公宰相守正人可憐亦進羯鼓錄

開元寺飛來柏

蒼龍挾山雷劈石溪濤怒捲風雨泣寺門偃仰不計年奇
氣聳身作鬼立縱身檜葉成空腔黛色參天更奇特空山

卧榦蛟螭僵白晝攫人牙爪黑古來大材本非易傳以飛
來知未必文章暴露遭斧斤神物憑依降精魄諄諄出出
驚宋火附會蠻君與鬼伯愚民喜作不稽談請官鎮以祝
融宅我來但傷梁棟失載酒時時弔遺迹只今鹿苑亦荒
涼夕照鴉嘒勸歸客

房山人琵琶

鴟絃嘈嘈月欲落秋氣入指指似削大聲激昂亂風雹小
聲蕭騷雨飄蕩湘江銜蘆天拍水交河合陣雪灑幕飛沙
淅瀝鐙影搖煙艣橫空星絡角斂衽竊聽意深遠倦僕立
眠客罷酌離羣酸嘶止且飛旅食關河等漂泊清商大雅
久不作邈邈沙塵亦蕭索崑崙絕藝賞音寡朱門曳裾安
可託何不明駝馳絕漠篳篥孤吹萬馬躍一彈青塚草復

青美人金鍾勸酬酪方今穹廬遠驅廓青海鯨鯢盡束縛
封侯衛霍當何時請君更彈白翎雀

南湖草衣歌贈汪子

男兒腰懸印如斗何如當前一杯酒屋堆黃金斗量珠何
如醉讀兩漢周秦書周秦之書不易覩存者岐陽與詛楚
偃師殷盤十四字其餘屢本難僕數汪子奇氣不可羈典
衣南北收殘碑從大小篆蝌蚪能變古法生新奇古人
刀筆每並用後世但解持毛錐遺棄刀法不復講遂令字
體形神離圖章近古得古意冥坐似悟造字義呶嚅夜聽
鬼神哭變化瑣及蟲鳥細漢唐以來銀與銅或金或玉誇
精工有元王冕易以石穿鑿坑谷爭磨礱明時工此文壽
承後來繼者程穆情中間顧子元與徐生貞絕技尤憐天

死鄭 苑子也嗜好同酸醎繫屬前後如旂繆六合直欲鑿
混沌萬象何以供鑄鑱靈芝潤聚金碧氣神劍夜發蛟龍
函古如明堂列彝鼎快若滄海馳風颿方今妖氛幻蛟蜃
萬室逃亡吁可憫殺聲慘淡日欲昏客路飄零窮且忍會
須待子刊磨厓南湖雖好莫歸隱嗚呼南湖雖好歸何日
且復醉歌出金石

攜琴過松風堂

草木秋深變河山醉後非浮雲直北斷獨雁向南飛雨氣
沈滄海潮聲裂石扉自彈水仙操松翠溼人衣

登延平明翠閣

水程閱奔峭十日厭鳴櫓登高數飛鴻秋氣淡平楚地瘠
草木瘦日暮鐘磬古渺茲半壁區信國昔開府志復社稷

仇力屈尺寸土傷哉朱鳥魂化作劍龍舞蕭蕭青楓林黯黯聞杜宇歷劫千載悲負險一水阻石激怒濤飛如聞響軍鼓

南浦驛

黯黯垂楊道青山引去程嘸鳥過古驛寒日淡高城僧磬隨雲度村煙隔樹明只憐橋下水猶作別離聲

謫仙窟歌爲雲寥先生賦

我聞武夷三十六洞天中有十洲三島飛空仙羣仙夜集壽太姥酒半欲續賓雲篇吾師手攜蒼玉硯乘雲歛入幔亭宴新宮醉草人不見空際似聞仙語羨吹笙朝辭白銀闕桂子出袖大如月至今能作蕊珠歌情若寒松折冰雪長安箏琶喧里耳肯向王門跋珠履逢人羞吹北郭竽拂

袖歸訪曾孫里曾孫曾孫今白頭瑤草自綠春厓幽菟裘
遠憶邱壑美藥籠富有參苓收鰕生三十不自勉俯仰隨
人羞偃蹇喜聞孫登嘯鸞鳳願隨淮南作雞犬淮南貴佩
今清臞坐擁玉堂森寶書婀娜仙館花扶疎鞭鸞時有羣
仙趨出飲虛皇碧琳腴高唱擊碎青珊瑚我時亦復歌烏
烏醉執如意敲唾壺但愁下追返清都官府束縛非我娛
此境一失安可摹仙山則有世則無

題上屯嵩山寺

老僧宴坐不迎客一溪沄沄青到門養成山中鹿麋性闢
出世外桑麻村齋廚無煙落松子壞磬挂壁生苔痕夢思
嵩陽不可到對此妙悟參風旛

蔡兆華字守白東莞人有綴玉集

陳蘭甫曰守白用玉臺新詠詩題集玉臺新詠句爲
五律二百餘首工妙不減黃石牧香屑集其中有與
唐律平仄密合者其拗調亦唐律所常有亦有唐律
不用之調則齊梁體也

和謝朓鏡臺

寶臺臨淨飾

何遜

一顧重千金

李充

表裏鏤七寶

鮑令暉

分明無

兩心

帝梁武帝

丹華灼烈烈

曹植

翠帳垂沈沈

謝朓

芳袖幸時拂

王融

應門重且深

柳惲

和沈約昭君詞

白雲隨旆色

簡文帝

秋月掩刀環

吳均

嫋嫋同宮女

梁武帝

盈盈

一水間

枚乘

懷春發下蔡

王融

明旦入胡關

范靖婦

櫪馬悲羌吹

劉孝威

憂人不解顏

鮑照

誰與丹青競

庾肩吾

誤令妝不成

徐悱妻

悲看蛺蝶粉

王僧孺

好

作鴟雞聲

王融

肅肅宵駕動

陸機

翻翻飛蓬征

陸雲

欲傳千里意

皇太子漢月照心明庾信

和鮑照詠燕

對此歸飛燕

劉孝綽

佳人懶織縑

皇太子

曲房褰錦帳

王僧孺

夕

殿下珠簾

謝朓

泛豔回煙翠

柳惲

餘花落鏡斂

蕭子雲

銜泥巢君

屋

枚乘

無故坐相嫌

何子明

和吳均採蓮

日暮相容與

徐勉

可憐雙白鷗

何遜

芳香去垢穢

秦嘉

出入見依

投

近代曲

藕異心無異

梁武帝

君愁我亦愁

西洲曲

荷絲傍繞腕

帝

簡文

還向影中羞

王僧孺

晚晴移詩匯卷一百四十終